

銀行簿記實用概要

體用咸備

錢永銘署



計學南鍼
甲子秋日

李銘題

序

銀行一業在商業中爲一種專門科學泰東西各商校列有專科一般學者研究著述不厭求詳比年以來留學東西洋專習銀行學者日益衆國內所設立之商業學校亦特立銀行一科於是國人始稍稍有所研究此項書籍亦日有出版然大都譯自西文自行編輯者尙鮮杭縣馮君儀九就執業交行之暇綜其積年之經驗著有銀行簿記實用概要一書書成徵序於余余嘉馮子之能嘉惠後學也爰樂爲之序

中華民國歲在甲子暮春三月餘姚宋漢章序

銀行簿記實用概要

序



序

馮子儀九輯銀行簿記實用概要既卒業遠道徵序於愚愚與馮子雖未獲交然觀其采錄知爲篤學君子也夫立國於天地必有制度人類之始智性樸野其後生齒繁頤進化之程日進胥知制度之不容不固也蓋吾人自有含生負氣卽無日不周旋於天擇物競之中進化之程既進而財之用大矣輓近國內擾攘外患洊至誠如風燭水泡汲汲不救深識之士蒿目杞憂僉謂與人逐角當謀金融鞏固於是皆剏設銀行夫銀行豈易辦哉制度偶一不慎卽召危亡簿記之學實銀行之制度耳愚見國人譯述簿記書者無慮千百要求其克於實用不背學理不數覲覲可知制度之不容不固也抑愚之服膺馮子別有在焉處今日陰霾障天之秋而馮子朝斯夕斯樂而不疲愚知茲篇之行速於置郵嘉惠後學誠可操券愚

服務銀行久矣往者亦思選輯實用簿記一書願居諸荏苒未有殺青三
復是篇私心慶冀且自慙歟

共和十三年四月鎮海方椒伯序

序

出納之事關係於經營商業者至重且鉅而錯綜紛紜絜領提綱要不外乎記載之學當世士大夫有闡發之資大都薄爲雕蟲不屑過問其有起而從事身不歷其境往往失之泛濫經營商業者師弟相沿各承衣鉢雖不知其所以然之理而能知其當然亦無待於研幾其或究心於此而文章不足以闡發力不足以副心卒之有出納記載之事而無出納記載之學不亦大可惋惜乎銀行操社會金融之枋爲商業之機樞舉凡款項之一出一納不容或紊稍有出入紛爭隨之馮君儀九本其平時經驗著爲銀行簿記實用概要一書以簿記之實體爲經手續爲緯綱舉目張黜華崇實洪纖巨細網羅無遺述先進之成規闢後來之途逕嗚呼可謂知當務之急矣稿成問序於余余維馮君博學多能爲識時之俊知章句之學

無裨實用棄儒就商又能以學問經驗冶於一爐非知其所以然而文筆
闡發力足以副願歟嚮之士大夫薄爲雕蟲不屑過問而又不歷其境言
而失之泛濫者且將皇皇告語竊歎勿如則是編之出不翼而飛不脛而
走蓋可拭目俟也爰樂爲之序

民國十三年歲次甲子立夏日泉塘王錫榮識於秋衡池館

序

自銀行制度興大而京垓之用小而鎰銖之較錯綜複雜難爲考稽於是隨自然之勢以科學方法演述簿記之學細論條目治具畢張從事銀行業者莫得略焉馮君儀九孜孜爲學自服役銀行以來更潛心於簿記等科以習爲學學以致用今成銀行簿記實用概要一書心得已多實例尤富世之間津會計任務者得以覽焉是爲序

歲次甲子武進謝霖甫



序

馮子儀九英年好學初讀於某校卒其業尋習商入杭州交通銀行歲辛酉余自甯移長杭行始識其人勤慎稱職有毅力遠志暇輒涉獵會計諸書或與同儕相切磋孜孜兀兀以爲樂事壬戌余遷海上相見遂疎今年春儀九以所著銀行簿記實用概要稿求叙於余展開全書事理互重華實兼茂蓋本其學業經驗之擬作而爲同儕慫恿將付剞劂者也篇中引用科目名詞簿冊程式胥合時宜理解明晰設例詳細其於業務措置之次序帳籍記載之法則尤三致意焉方今銀行林立會計人材相需正殷得此一篇足資師佐余喜儀九之好學而嘉其晉業之猛因叙厓略爲之介紹雖然鉛刀小試純乎技也游亦有餘夫然後進於道矣余知毅力遠志如儀九者必將進而求之詣於大成不以斯篇遂自畫也

中華民國十有三年歲次甲子泉塘黃筱彤叙於上海交通銀行



序

馮子儀九服務於杭州交通銀行究心本業孜孜不倦就所心得成銀行簿記實用概要一書問序於余以爲識途焉余以人稱我國銀行者必曰中交中交蓋若弟兄姊妹行也交行有青年勤務如馮子儀九其人爲之色然喜馮子儀九又爲余世交子弟知其克勤所業研求靡懈更爲之色然喜其銀行簿記實用概要一書搜輯羣帙列爲一編其所謂備用無遺者耶若由此而求其博求其精求其專求其遠大不將以是編爲蒿矢耶讀竟一過忻然書此以弁其端

中華民國十三年三月潤泉金百順識

銀行簿記實用概要

序



序

營業之發達專恃乎規模而規模之養成又有賴乎研究我國自古重農輕商凡有留心著述者大抵趨重於農業一途而於商務之改良少所研究識者憾焉自海禁宏開商業日盛摩揣時向者遂有建設銀行之議我交行創始於有清光緒三十三年規模宏廠人才衆多杭行爲交行一份子且又僻處一隅本無人才之可言馮君儀九系出名門年方弱冠自入杭行交服務後苦思力索頗具心得茲於公餘之暇纂輯銀行簿記實用概要一書言明且清法簡而要將來流通社會雖不敢謂爲銀行界之津梁然其苦心孤詣有足多者余因重其誠懇而勉爲之序

中華民國十三年三月杭縣沈維楨謹識

